

T5236.05/4462

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 20 1940

43



文苑英華卷第一百九十一

詩四十二

朝省二

寓直五十八首

未和姚給事中寓直之作

宋之問

清論滿朝陽高才拜夕即還從避馬路來接耳招行寵跡

黃扉日威迴白簡霜柏臺遷鳥茂一作非蘭渚一作非得人芳

禁靜鐘初徹更疎漏漸長曉河低武庫流火度文昌寓直

光輝重集作寓直來秋藻翰揚暗投空欲報下調不成章

和軍部李員外秋夜寓直之作前人

相庭貽慶遠才子拜即初起草儀仙閣焚香卧直處更添

可欲新除初柳一作偏疎氣秋空雲華心徒將滿車叨榮烈



文苑英華卷第一百九十一

詩四十二

朝省二

寓直五十八首

奉和姚給事中寓直之作

宋之問

清論滿朝陽高才拜夕郎還從避馬路來接珥貂行寵就

黃扉日威迴白簡霜栢臺遷鳥茂一作蘭渚得人芳集作署

禁靜鍾初徹更踈漏漸長曉河低武庫流火度文昌寓直

光輝重集作寓宿乘秋藻翰揚暗投空欲報下調不成章恩徽重

和庫部李員外秋夜寓直之作 前人

相庭貽慶遠才子拜郎初起草儀仙閣焚香卧直廬更深

河欲斷節勁柳疑偏踈氣耿凌雲筆心搖待漏車叨榮厠

哈佛大學哈佛燕京圖書館珍藏印



傳侶省已惡空虛徒斐陽春和難參麗曲餘

冬夜寓直麟閣集作

前人

直事披三省重關祕七門廣庭憐雪淨集作深屋集作喜

爐温月幌花一作虛馥風窓竹暗喧東山白雲意茲夕寄

琴樽

和蘇員外寓直

崔湜前卷作

此詩已見一百九十卷

秋夜寓直中書呈黃門舅

蘇頲

簾櫳上夜鈎清切聽更籌忽共鷄枝老還如騎省秋循庭

喜三入對渚憶雙遊紫紱名初拜黃縑迹尚留月舒當北

幌雲賦直東樓恩渥迷天施童蒙慰我求遲君台鼎即開

義一承流

春晚紫微省直贈內

前人

直省清華接建章向來無事日猶長花間燕子栖鳩鵲竹

下鴛鴦繞鳳凰內史通宵承紫誥中人落晚集作愛紅粧

別離不慣無窮憶莫誤卿卿學太常

和崔黃門寓直夜聽蟬之作

張九齡

蟬嘶玉樹枝向夕蕙風吹幸入連雲閣集作應緣飲露知

秋深聞集作欲近聲靜夜相宜不是黃金飾清音徒爾

為

和許給事直夜簡諸公

前人

未央鍾漏晚僊宇藹沉沉武衛千廬合嚴扃萬戶深左掖



知天近南軒集作見月臨樹搖金掌露庭接玉樓陰他日  
聞更直中宵屬所欽聲華大國瑤夙夜近臣心逸興乘高  
閣雄飛在禁林寧思竊抃者情發為知音

酬通事王舍人寓直見示篇中兼起居陸舍人

景獻

前人見集本

軒掖殊清秘才華固在斯興因膏澤灑情與惠風吹所美  
應人譽何私亦我儀同聲感喬木比翼謝長離價以陸生  
減賢慙鮑叔知薄遊當獨媿芳訊乃兼施此夜金閨籍伊  
人瓊樹枝飛鳴復何遠相顧幸媿媿

臺中書懷

蔣冽

持憲當休明節躬免顛沛直繩備豪右正色清冠蓋寄切

才恨薄職雄班匪大坐居三獨中立在百僚外簡牘時休  
暇依然秋興多披書唯骨鯁循跡少閑和庭樹凌霜栢池  
傾萎露荷歲寒應可見感此遂成歌

夏中疑

初霽南省寓直

時兼尚書郎  
節度判官

薄宦因時忝涼霄寓直初沉沉仙閣閉的的暗更徐霽色  
連空上炎氛入夜除星廻南斗落月度北窓虛待漏殘燈  
照含芳襲氣餘寐來冠不解奏罷草仍書幕府慙良策明  
曹媿散樗命輕徒有報義重更難踈驚屐欣成托鶴行濫  
所如晨趨當及早彼此戒朝車

同張少府知庫狄員外夏晚初霽南省寓直時兼

充節度判官之作

寇坦



黃綬歸休日仙即復奏餘宴居當夏晚寓直會晴初露散  
星文發雲披水鏡虛高才推獨唱嘉會喜連茹月色搃春  
闈香煙藹暝廬一作千門傳夜警萬象照階除少孺嘉能  
賦文強閱賜書兼曹謀未展入幕志方攄為奉靈臺帛恭  
先待漏車貞標不可仰空此樂樵漁

和集作

崔員外秋宵寓直

王維

建禮高秋夜承明候曉過九門寒漏徹萬井曙鍾多月廻  
藏珠斗雲開集作出絳河更慙衰朽質南陌共鳴珂

晚出左掖

杜甫

晝刻傳呼淺春旗簇仗齊退朝花底散歸院柳邊迷樓雪  
融城濕宮雲去殿低避人焚諫草騎馬欲鷄栖

春夜宿左省

前人

花隱掖垣暮啾啾棲鳥過星臨萬戶動月傍九霄多不寐  
集作聽金鑠集作因風想玉珂明朝有封事數問夜如何

翰林讀書言懷呈集賢院內諸學士 李白

晨趨紫禁中夕待金門詔觀書散遺帙探古窮至妙片言  
苟會心掩卷而忽集作忽而笑青蠅易相點白雪難同調本是  
踈散人屢貽褊促謂雲天屬清朗林壑憶遊眺或時清風  
來閑倚門集作下嘯嚴光桐廬溪謝客臨海嶠功成謝人

間集作

從此亦

集作

投鈞

和戶部楊員外伯成寓直

李愷

落日彌綸地公才盡省即詞驚起草筆坐卧護衣香雙闕



文苑英華 卷一百九十一  
四  
天河近千門夕漏長遙知臺上宿不獨有文強

奉和許給事夜直簡諸公

崔顥

西掖黃樞近東曹紫禁連地因才子拜人用省郎遷夜直  
千門靜河開萬像懸建章宵漏急閭闔曉鍾傳寵列貂蟬  
位恩深侍從年九重初起草五夜即成編顧已無官次循  
涯但自憐遠陪蘭渚作空此仰神仙

西省即事

岑參

西掖重雲開邑曙集作開曙輝北山疎雨點朝衣千門柳色連  
青鎖三殿花香入紫微平明端笏陪鴛列薄暮聖鞭信馬  
歸官拙自悲頭白盡不如巖下掩集作石荆扉

和都官苗員外夜寓直對西簡諸知己

李嘉祐

多雨深一作南宮夜仙郎上一作寓直時漏長丹鳳闕秋冷白  
雲司螢影侵階亂鴻聲出苑遲蕭條吏人散一作靜小謝有  
新詩

此詩三百四十三卷重出今已削去注異同為一作

和苗員外寓直中書

包何

朝列稱多士君家有二難貞為臺裏栢芳作省中蘭夜直  
分曹間晨趨接武歡每憐雙闕下鴈序入鴛鸞

春宵寓直

錢起

養拙集作性慣雲卧為即如鳥棲不知仙閣峻唯覺玉繩低  
帳喜香煙煖詩慙賜筆題未央春漏促殘夢訝集作謝晨鷄

和謝舍人雪夜寓直

皇甫曾



禁省夜沉沉春風雪滿林滄洲歸客夢青瑣近臣心揮翰  
宣鳴玉承恩在賜金建章寒漏起更助掖垣深集作章臺  
寒鴈起更

助掖  
垣深

晚秋集賢院即事寄徐薛二侍郎 常袞

穆穆上清居沉沉中秘書金鋪深內殿石甃淨寒渠花樹  
臺斜倚空煙閣半虛縹囊披錦翠繡軸卷瓊琚墨潤冰文  
璽香銷嘉字魚翻黃桐葉老吐白桂花初舊德雙遊處聯  
芳十載餘北朝榮庾薛西漢盛嚴徐侍講親華辰微吟一作  
詩步綺疎綴簾金翡翠賜硯玉蟾蜍序秩東南遠離憂歲  
月餘承明期重入江海意何如

奉和常舍人晚秋集賢院即事寄徐薛二侍郎

司空曙

藹藹鳳凰宮蘭臺玉曙通夜霜凝樹羽朝集作曉日照相風

官附三台貴儒開百氏宗司言陳禹命集作拜侍講發堯聰

香卷集作起青編內鉛分綠字中綴籤從大史鏘珮揖群公

池接天泉碧林交御果紅寒龜登故葉集作敗葉秋蝶恋疎藂

顏謝徵文並鍾裴直一作議事同離群驚海鶴屬思怨集作想

江楓地遠枯蘇外山長越絕東慙當哲匠後下曲本難工

和常舍人晚秋集賢院即事十二韻寄贈江南

徐薛二侍郎 盧綸

綸閣九華前森沉綵仗連洞門開旭日清禁肅秋天霜滿  
朝容備鍾餘曉集作漏唱傳瑤璫陪羽扇端弁入爐烟麟筆



刪金篆龍綃薦玉編汲書荀勗定漢史蔡邕專御竹潛通  
筍宮池暗瀉泉亂藜縈弱蕙墜葉灑石蓮列署齊遊日重  
江並謫年登封思議草侍講憶同筵滄海風濤廣黜山瘴  
雨偏唯應緘上寶贈遠一呈妍

奉和太常王卿訓李舍人中書寓直春夜對月見

寄

露如輕雨月如霜不見星河見鴈行虛暈入池波自泛蒲  
輪當苑桂偏香春臺幾望黃龍闕雲露寧分白玉廊是夜  
巴歌應金石豈殊螢影對清光

和王員外冬夜寓直

前人

高步長裾錦帳即居然自是漢賢良潘岳叙年因鬢髮楊

雄托諫在文章九天韶樂飄寒月萬戶香塵裊夜霜坐見  
重門儼朝騎可憐雲路好翱翔

訓金部王郎中省中春日

前人

南宮樹色曉森森雖有春光未有陰鶴侶正宜芳景引玉  
人那為薄書沉山含瑞氣偏當日鷺逐輕風不在林更有  
阮郎迷路處萬株紅樹一谿深

夜直省中

常應物

見集本

河漢有秋氣集作意南宮生早涼玉漏殊杳杳雲闕更蒼蒼  
華燈發新照集作輕烟浮夕香顧跡知為忝東帶愧周行

奉和給事寓直

崔峒

桂枝家共折鷄樹代相傳忝向鸞臺下仍看鴈影連夜闌



方步月漏盡欲朝天知去冊墀近明王許薦賢

初入集賢院贈李獻仁曾於常山聯官 前人

燕代官初罷江湖路便分九遷從命薄四十幸人聞跡愧

趨丹禁身曾繫白雲何由返滄海昨日謁明君

奉酬李舍人秋日寓直見寄 張南史

秋日金華直遙知玉佩清九重門更肅五色詔初成槐落

宮中影鴻高芳遠一作聲翻從魏闕下江海寄幽情

同韓侍郎秋朝使院 前人

重門啓曙闕一葉報秋還露井桐柯濕風庭鶴翅閑忘情

簪白筆假夢入深山惆悵祗應此難裁語默問

暮春南臺承旨除給事中仍是本廳几榻杖履宛然如舊 薛存誠

再入青瑣闈忝官誠自非拂塵驚物在開戶待僧歸積草

漸無逕殘花猶灑衣禁闈偏日近行坐在恩輝

初秋月夜中書宿直因呈楊閣老 權德輿

欹枕直廬暇風蟬迎早秋沉沉玉堂夕皎皎金波流對掌

喜新命分曹諧舊遊相思翫華彩因感庾公樓

晚秋陪崔閣老張祕監閣老苗考功同遊昊天觀

時楊閣老新直未滿以詩見寄斐然酬和有媿蕪

音 前人

方駕遊何許仙源去似歸縈迴留勝賞蕭灑出塵機泛菊

賢人至燒丹姹女飛步虛清曉籟隱几吸晨輝竹逕琅玕

合芝田沆瀣晞銀鈎三洞字瑤笥六銖衣麗句翻紅藥佳



期限紫微徒然一相望郢曲和應稀

和胡將軍寓直

王建

宮鷓棲盡禁搶攢樓殿深嚴月色寒進狀直穿金戟槩探  
更先傍玉鈎欄漏傳五點班初合鼓動三聲仗已端遙見  
正南宣不坐新栽松樹喚人看

省中直夜對雪寄李師素侍郎 令狐楚

密雪紛初降重城杳未開雜花飛爛熳連蝶舞徘徊灑散  
千株葉銷凝九陌埃素華凝粉署清氣繞霜臺明覺侵窓  
積寒知度塞來謝家爭擬絮越嶺悞驚梅暗魄微茫照嚴  
飈次第催一作堆稍封黃竹亞先集紫蘭摧孫室臨書幌梁  
園泛酒盃靜懷瓊樹倚醉憶玉山頽翠陌饑鳥噪蒼雲遠

鴈哀此時方夜直想望意悠哉

南宮夜直宿見李給事題其日所下制勅知奏直

在東省因以詩寄

前人

番直同遙夜嚴局限幾重青編書白雀

其日勅鄜州奏白雀宜付史館黃

紙降蒼龍北極絲綸句東垣翰墨蹤尚垂玄露點猶濕紫  
泥封炫眼疑仙燭馳心裊禁鍾定應形夢寐暫似接音容  
玉樹春枝動金罇臘釀醲在朝君最舊休幹許過從

早秋集賢院即事

時為學士

劉禹錫

金數已三伏火星正西流樹含清露曉閣倚碧天秋灰瑨  
應新律銅壺添夜籌商飈從朔塞爽氣入神州蕙草香書  
殿槐花點御樓集作溝山明真色見水淨濁煙收早歲忝華



省丹來成白頭幸依群玉府有路向瀛洲

奉和武中丞秋日臺中寄懷簡諸僚故時西番使廻奉命追

和

呂溫

聖朝思紀律憲府得忠賢指顧風行地儀行月麗天不仁

恒自遠為政復何先虛室惟生白閑門集作情却草玄迎霜

紅葉早過雨綠集作碧苔鮮魚樂翻秋水鳥聲隔暮煙舊遊

多絕席感物遂成篇更許窮荒客追歌白雪前

待漏入閣書事奉贈元九學士閣老 白居易

衙排宣政仗門啓紫宸開彩筆停書几几作命花塲趨立班

稀星點銀礫殘月墮金環集作環暗漏猶傳水明河漸下山

從東分地色政集作何北仰天顏碧湧鑪煙直紅垂旆尾闕

綸帟集作綸慙並入翰苑忝先攀笑我青袍故饒君紫集作前

綬殷詩仙歸洞裡酒病滯人間好去鴛鸞侶冲天便不還

夏夜直宿

前人見集本

人少庭宇曠夜涼風露清槐花滿院氣松子落階聲寂默

挑燈坐沉吟暝月行年衰自無趣不是厭承明

中書直堂

前人

繚繞宮牆圍禁苑集作林半開閭闔曉沉沉天晴更覺南山

近月出方知西掖深病對詞頭慙綵筆老看鏡面愧華簪

自嫌野物將何用土木形骸麋鹿心

見于給事暇日上直寄南省諸郎官詩因以戲贈

倚作天仙弄地仙誇張一日抵千年黃麻勅勝長生錄白



紵詞嫵內景篇雪貌莫一作雲彩誤居青瑣地風流合在

紫微天東曹漸去西垣近鶴駕無妨更着鞭

此詩二百五十八卷重出今已削去注異同為一作

西掖早秋直夜書意

前人

涼風起禁掖新月生宮沼夜半秋暗來萬年枝嫋嫋炎涼  
遞時節鍾鼓交昏曉偶聖惜年衰報息愁力少素餐無補  
益朱紱集作虬纏繞冠蓋栖野雲稻梁養山鳥量能集作

私自省所得已非少五品不為賤五十不為夭若無知足  
心貪求何日了

憶夜直金鑿奉詔

李紳

月窟銀漢玉繩低深聽簫韶碧落齊門闕紫垣高綺樹閣

連青瑣近冊梯墨宣外溼催飛詔草定新恩促換題明日

一作惟我獨歸花路遠可憐人世隔雲霓

奉和朝翰林丁侍郎禁署早春晴望

劉得仁

御林聞有早鶯聲玉檻春香九陌晴寒着鬢雲歸紫閣暖  
浮佳氣動皇城宮池日到冰初解輦路風吹草欲生鴛侶  
此時皆賦詠商山雪在思尤清

休澣日謁西掖所知因成長句

溫廷筠見集本

赤墀高閣自從容玉女窻扉報曙鍾日麗九華青瑣闥雨  
晴雙闕翠微峯毫端蕙露滋仙草琴上薰風入禁松荀令  
鳳池春婉婉好將餘潤變魚龍

冬夕和范秘書省宿

李頻



每入得閑吟清曹閣下深因知遙夜坐別有遠山心芸細  
書中氣松疎雪上陰幾時高興足還復插朝簪

和范秘書省中作

喻坦之

清省宜寒夜仙才稱獨吟鍾來宮轉漏月過閣移陰鶴壁  
燈前靜芸臺幄外深想知因此興暫動憶山心

南宮寓直

鄭谷

寓直事非輕官孤憂且榮制承黃紙重詞見紫垣清曉霽

庭松色風和禁漏聲曾一作携新茗伴更集作吏掃落花

迎鑠印詩心動垂簾睡思生粉廊曾試處直事稍暇則於

項年試所題名石柱昔賢名來誤宮牕鸞啼疑苑樹鶯殘

陽晴集作更好歸速限嚴城

春日集作竹同年禮部趙員外省直集作前直省人

錦帳名郎重錦窠清宵寓直縱吟哦冰含玉鏡春寒在粉

傅仙闈月色多視草郎應歸屬望握蘭知道暫經過流鶯

百轉和殘漏猶把芳罇籍露荷

文昌寓直

前人

何遜空階夜雨平朝來交直雨新晴落花亂上花磚上不

忍和苔踏紫英

忝官諫垣明日轉對

前人見集本

吾君英睿相君賢其柰寰區未晏然明日翠華春殿下不

知何語可聞天

秘書伴直

張喬



高枝聚暝禽豐閣鏤遙岑待月當秋直看書廢夜吟殘薪  
留火細古井汲瓶深縱欲抄前史一作古貧難遂此心

省中偶作

前人

三轉郎曹自集作出兔旃莎堦吟步想前賢不集作未如何遜

無佳句若比馮唐是壯年捧制名題黃紙尾約僧心在白

雲邊乳毛松雪春來好直夜清閑且學禪

文苑英華卷第一百九十一

文苑英華卷第一百九十二

詩四十二

樂府一樂府共六十卷以藝文聚初學記文粹諸人文集并郭茂倩劉次莊樂府叅校注下同者為一作

京洛篇二首

帝王所居篇一首

帝京篇十一首

煌煌京洛篇二首

新城安樂宮三首

凌雲臺二首

長安道十六首

洛陽十七首

京洛篇

梁簡文帝

南遊偃師縣斜上灞凌東迴瞻龍首堞遙望德陽宮重門

遠照曜天閣復穹隆城旁疑複道樹裏識松風黃河入洛

水丹泉繞謝熊夜輪懸素魄朝天一作光蕩碧空秋霜曉驅

鴈春雨暮成虹咸一作曲陽曲陽侯漢外戚王根也造甲第高安還禁



中劉蒼歸作相竇憲出臨戎此時車馬合茲晨冠蓋通誰  
知兩京盛歡宴遂無窮

同前

李巨仁

京洛類神仙藹藹却雲烟漸臺臨太液玉樹並甘泉車喧  
平樂外騎擁濯龍前兢結蕭朱綬爭攀李郭船獨悲韓長  
孺死灰猶未燃

帝王所居篇

張正見

峻函雄帝宅宛維壯皇居紫微臨複道丹水亘通渠沉沉  
飛兩殿藹藹承明廬兩宮分槩日雙闕並凌虛休氣充青  
瑣榮光入綺疎霞明仁壽鏡日照凌雲書鳴鸞背鳩鵲詔  
蹕幸儲胥長楊飛玉輦御宿步金輿柳葉緹飄騎槐花影  
屬車薄暮歸平樂歌鍾滿玉除

帝京篇

並作  
十本

唐太宗

秦川雄帝宅函谷壯皇居綺殿千尋起離宮百雉餘連甍  
遙接漢飛觀迥凌虛日月隱層闕風煙出綺疏

二

巖廊罷機務崇文聊駐輦玉匣啓龍圖金繩披鳥一作鳳  
常編斷方續縹帙舒還卷對此乃忘憂一作淹留欹枕觀墳典

三

移步出詞林停輿欣武宴琯弓寫明月駿馬疑流電驚鴈  
落虛弦帝後悲急箭閱賞誠多美於茲乃忘倦

四



鳴笳臨樂館，眺聽歡芳節。急管韻朱絃，清歌凝白雪。彩鳳  
肅來儀，玄鶴紛成列。去茲鄭衛聲，雅音方可悅。

五

芳辰開一作逸趣禁苑，信多奇槁形。通漢上峯勢，接雲危  
煙霞交隱映，花鳥自參差。何如肆轍跡，萬里賞瑤池。

六

飛蓋去芳園，蘭橈遊翠渚。梁一作萍間日影亂，荷處香風舉。  
桂楫滿中川，絃歌振長嶼。豈獨汾河曲，方為歡宴所。

七

落日一作日落雙闕昏，迴輿九重暮。長烟引一作散初碧，皎月澄  
輕素。褰幌翫琴書，開軒引雲霧。斜漢耿層閣，清風搖玉樹。

八

歡樂難再逢，芳晨真一作良可惜。玉酒泛一作溢雲壘，蘭肴陳  
綺席。千鍾合堯禹，百獸諧金石。得志重寸陰，忘懷輕尺璧。

九

建章歡賞夕，二八盡妖妍。羅綺昭陽殿，芬芳瑤瑁筵。珮移  
星正動，扇掩月初圓。無勞上玄圃，即此對神仙。

十

以茲遊觀極，悠然獨長想。披卷覽前蹤，撫躬尋既往。望古  
茅茨約，瞻今蘭殿廣。人道惡高危，虛心誠盈蕩。奉天竭誠  
敬，臨民思惠養。納善察忠諫，明科慎刑賞。五六誠難繼，四  
三非易仰。廣待淳化敷，方嗣雲亭響。



同前

駱賓王

山河千里國城闕九重門不睹皇居壯安知天子尊皇居  
 帝里嶠函谷鶉野龍山侯甸服五緯連影集星躔八水分  
 流橫地軸秦塞重關一百二漢家離宮三十六桂殿陰岑  
 對玉樓椒房窈窕連金屋三條九陌鳳一作麗城隈萬戶千  
 門平旦開複道斜通鳩鵲觀交衢直指鳳凰臺劍履南宮  
 入簪纓北闕來聲明冠寰宇文物象昭回鈞陳肅蘭肥璧  
 沼浮槐市銅羽應風迴金莖承露起校文天祿閣習戟昆  
 明水朱邱接一作坑平臺黃扉通戚里平臺戚里帶崇墉炊  
一作金鑊玉待鳴鍾小堂綺帳三千萬大道青樓十二重  
 寶蓋雕鞍金絡馬蘭窓繡柱玉盤龍繡一作綺柱璇題粉映

壁鏘金鳴玉王侯盛王侯貴人多近臣朝遊北里暮南隣  
 陸賈分金將燕喜陳遵投轄正留賓趙李經過密蕭朱交  
 結親丹鳳朱城白日暮青牛緝憶紅塵度俠客珠彈垂楊  
 道倡婦銀鈎採桑路倡家桃李自芬一作芳菲京華遊俠事  
一作輕肥延年女弟雙鳳入羅敷使君千騎歸同心結縷  
 帶連理織成衣春朝桂樽樽百味秋夜蘭燈燈九微翠幌  
 珠簾不獨映清歌寶瑟自相依且論三萬六千是寧知四  
 十九年非古來名一作榮利若浮雲人生倚仗信離一作難分  
 始見田竇相移代我聞衛霍有功勳未厭金陵氣先開石  
 擲文朱門無復張公子灞亭誰畏李將軍相顧百齡皆有  
 待居然萬物咸應改桂枝芳氣已銷亡栢梁高宴今何在



春去春來若自馳爭名爭利徒爾為久留郎署終難遇空  
掃相門誰見知當時一作莫矜一旦擅豪華自古千載長驕奢

倏忽搏風生羽翼須臾失浪委泥沙黃雀徒巢桂青門遂

種瓜黃金銷鑠素絲變一貴一賤交情見紅顏宿昔白頭

新脫粟布衣輕故人故人有湮淪新知無意氣灰死韓安

國羅傷翟廷尉已矣哉歸去來馬卿辭蜀多文藻楊雄仕

漢乏良媒三冬自矜成足用十年不調幾遭迴汲黯薪逾

積孫弘閣未開誰惜長沙傅一作獨負洛陽才

煌煌京洛行

張正見

千門儼西漢萬戶擅東京凌雲霞上起鳩鵲月中生風塵

暮不息簫管夜恒鳴唯一作誰當賣梁樹不入長安城

同前

戴嵩

欲知佳麗地為君陳帝京由來稱俠窟爭利復爭名鑄銅

門外馬刻石水中鯨黑龍過飲渭丹鳳俯臨城群公邀一作

惡郭解天子問黃瓊詔幸平陽第騎指伏波營五侯同拜

爵七貴各垂纓衣風飄颻起車塵暗浪生舞見淮南法歌

聞齊后聲揮金留客坐饌玉待鍾鳴獨有文園客一作偏

嗟武騎輕

新城安樂宮

梁簡文帝

遙看雲霧裏一作刻列一作一作桶映丹虹珠簾通曉日金華拂

夜風欲知歌管處來過安樂宮

同前

陰鏗



新宮實壯哉雲裏望樓臺迢迢翔鷗仰聯一作連翮賀鷺一作

雀來重簷寒露一作霧宿返景一作作返井夏蓮開砌石披新

錦花梁畫早梅欲知安樂盛歌管雜塵埃

同前

陳子良

春色照蘭宮秦女日窓中柳葉來眉上桃花落臉紅拂塵

開扇匣卷帳却薰籠衫薄偏憎日裙輕更畏風

凌雲臺

謝舉

綺薨懸桂棟隱映傍一作月旁槁柯勢高凌玉井臨迥度

金波易覺涼風至早飛秋葉一作馬過高臺相思曲望遠騷

人歌幸矚一作屬此迢遞知承寒露多一作霧多

同前

王褒

高臺懸百尺中又殊未窮北臨酸棗寺西眺明光宮城旁

抵雙府林裏對相風書題鹿盧榜觀寫飛簾銅窻開神女

電梁映美人虹虞捐濫失寵鄭替特懷忠莊生垂翠鈞昭

儀拒一作抵闕熊馳輪有盈闕人道亦汗隆還念西陵舞非

復鄴城中

長安道

梁簡文帝

神臯開隴右陸海實西秦推輪抵赤縣一作金槌複道向

宜春落花依度幘垂柳拂行人金張與一作及許史夜夜尚

留賓

同前

梁元帝

西接長楸道南望小平津飛薨臨綺翼輕軒影畫輪雕鞍



承赭汗槐路起紅塵燕姬雜趙女淹留重上春

同前

庾肩吾

桂宮延複道黃山開廣路遠聽平陵鍾遙識新豐樹合殿  
生光彩離宮起煙霧日落歌吹還塵飛車馬度

同前

蕭賁

前登灞陵岸還瞻渭水流城形類北斗橋勢似牽牛飛軒  
駕良駟寶劍雜輕裘經過狹斜里一作日暮興又作直淹  
流

同前

徐陵

輦道乘雙闕豪雄被五都橫橋象天漢法駕應坤圖韓康  
賣良藥董偃鬻明珠喧喧擁車騎非但執金吾

同前

陳悟

長安開繡陌三條向綺門張敞車單馬韓嫣乘副軒寵深  
來借殿功多競買園將軍夜夜返絃歌着曙喧

同前

顧野王

鳳樓臨廣路仙掌入煙霞章臺京兆馬逸陌富平車東門  
疏廣餞北闕董賢家渭橋縱觀罷安能訪狹斜

同前

阮卓

長安馳道上鍾鼓一作鳴宮寺開殘雲銷鳳闕宿霧歛章臺  
騎轉金吾度車鳴丞相來藹藹東都悅群公駟御迴

同前

江惣

翠蓋乘輕霧一作露金羈照落暉五侯新拜罷七貴早朝歸



轟轟紫陌上，藹藹紅塵飛。日暮延年一作平，客風花拂舞衣。

同前

沈佺期

秦地平如掌，層城入一作出。雲漢樓閣九衢春，車馬千門旦。

綠槐開復合，紅塵聚還散。日晚鬪鷄還一作迴，經過狹斜看。

同前

崔顥

長安甲第高入雲，誰家居住霍將軍。日晚朝迴擁賓從，路旁拜揖何紛紛。莫言炙手手可熱，須臾火盡灰亦滅。莫言貧賤即可欺，人生富貴自有時。一朝天子賜顏色，世上悠悠應始知。

同前

皇甫冉

長安九城路，戚里五豪家。結束趨平樂，聯翩抵狹斜。高樓臨積水，樓道出繁花。唯有相如宅，蓬門度歲華。

同前

皇甫冉

漢家宮殿含雲烟，兩宮十里相連一作聯。延晨霞出沒弄丹闕，春雨霏微似甘泉一作微自甘泉。甘泉一作春雨一作依微，春尚早。長安貴遊愛芳草，寶馬橫來下建章。香車却轉避馳道，貴遊誰最貴，衛霍世難比。何能蒙主恩，幸遇邊塵起。歸來甲第拱皇居，朱門峩峩臨九衢。中有流蘇合歡之寶帳，一百二十鳳凰羅列街。明珠下有金一作錦，鋪翠被之燦爛博山吐。香五雲散，麗人綺閣情飄飄。頭上鴛釵雙翠翹，低鬟曳袖迴春雪。聚黛一聲愁碧霄，山琢海錯棄藩籬。烹犢炮羔如折葵，既請列侯封部曲。還將金印授廬兒，歡榮若此何

同前

常應物

同前

同前

同前

同前

同前

同前

同前

同前

同前



所苦所一作但苦白日西南馳

此詩三百四十二卷重出今已削去注異同為一作

同前

白居易

花枝缺處青樓開艷歌一曲酒一盃美人勸我急行樂自古朱顏不再來君不見外州客長安道一迴來一迴老

同前

此去應集作此路去

薛能

汲汲復營營東西連兩京關繻古若在山岳累應成各自

有身事不相知姓名交馳一作兼衆類分散入重城此去

應無盡萬方人旋一作始生空餘片言苦來徃覓劉楨

同前

王貞白

曉鼓人已行暮鼓人未息梯航萬國來爭先貢金帛不聞

賢與愚但論官與職如何貧書生只獻安邊策

洛陽道

梁簡文帝

洛陽佳麗所大道蒲春光遊童初一作特挾彈蠶妾始提筐

金鞍照一作被龍馬羅袖一作袂拂春桑玉車爭晚入潘果溢

高廂

同前

庾肩吾

微道臨河曲層城傍漢洛作川金門絕出柳銅井半含泉日

起杲愚外車迴雙闕前潘生時未返遙心從眷然

同前

岑敬之

喧喧洛川一作水濱鬱鬱小平津路傍桃李節陌上採桑春

聚車看衛玠連手望安仁復有能留客莫愁嬌態新



同前

張正見

層城啓旦扉上洛滿春輝柳影綠溝合槐花夾路飛蘇合  
彈珠罷黃間負翳歸紅塵暮不息相看連騎稀

同前

陳瑄

洛陽九達上一作衢上羅綺四時春路傍避驄馬車中看玉人

鎮西歌豔曲臨淄逢麗神欲知雙璧價潘夏正連茵

同前

車款

洛陽道八達洛陽城九重重關如隱起雙闕似芙蓉王孫  
重行樂公子好遊從別有傾人處佳麗夜相逢

同前二首

徐陵

綠柳三春暗紅塵百戲多東門向金馬南陌接銅駝華軒

翼葆吹飛蓋響鳴珂潘郎車欲滿無奈擲如何

二

洛陽馳道上春日起塵埃濯龍望如水一作霧河橋渡似雷

聞珂知馬蹀傍慢見薨開相看不語密意眼中來

同前

王瑳

洛陽夜漏盡九重平旦開日照蒼龍闕煙遶鳳凰臺浮雲  
翻似蓋流水到成雷曹王聞鷄返潘仁載果來

同前二首

江惣

德陽穿洛水伊闕邈河橋仙舟李膺棹小馬王戎鑣杏堂  
歌吹合槐路風塵饒綠珠銜淚舞孫秀強相邀

二



小平臨四達一作路長揪聽五鍾玉節迎司隸錦車歸濯  
龍絃歌聲不息環佩響相從花障蕩舟笑日映下山蓬

同前

沈佺期

九門開路邑雙闕對河橋白日青春道軒裳半夏朝乘羊  
稚子看捨翠美人嬌行樂歸恒晚香塵撲地遙

同前

白玉誰家郎迴車度天津看花東陌上驚動洛陽人

同前

馮著

洛陽宮中花柳春洛陽道上無人行皮裘毡帳不相識萬  
戶千門閉春色春色深君王一去何時尋春色深春雨洒  
周南一望堪淚下蓬萊殿中寢胡人鵲樓前放胡馬聞

君欲入西秦

一作秦西

行君行不用過天津天津橋上多胡塵

洛陽道上愁殺人

同前

任翻

幢幢洛陽道塵下生春草行者豈無家無人在家老鷄鳴  
前結束爭去恐不早百年路傍盡白日車中曉求富江海  
狹取貴山岳小二端立在途奔走無由了

同前

王真白

喧喧洛陽路奔走爭先步唯恐着鞭遲誰能更迴顧覆車  
雖在前潤屋何曾懼賢哉只二疏東門掛冠去

同前

于武陵

浮世若浮雲千迴故復新旋添青草塚更有白頭人歲暮



客將老雪晴山欲春行行車與馬不盡洛陽塵

文苑英華卷第一百九十二

文苑英華卷第一百九十三

樂府二

神仙篇三首

昇仙篇一首

昇天行三首

步虛詞十首

飛龍引三首

鳳簫曲一首

鳳笙曲一首

陽春歌六首

金一作會樂歌三首

白紵歌十八首

美女篇四首

日出東南隅四首

日出行三首

月重輪一首

泛舟行大江二首

雨雪曲六首

神仙篇

張正見集無



億舜日萬堯年詠湛露歌採蓮願雜百和氣宛轉金爐前

同前

盧思道

浮生厭危役一作促名岳共招携雲軒遊紫府風駟立一作上

丹梯時見遼東鶴屢聽和一作淮南鷄王英持作寶瓊實採

成蹊飛策揚輕電懸旌耀彩蜺瑞銀光似燭靈石髓如泥

寥廓鸞山右超遙樂府一作越鳳州西一作超遙鳳渚西四一作丸應五色特

此救行迷

此詩二百三十五卷道門重出今已削去注異同為

一作

同前

魯杞樂府作杞

王遠尋仙至欒巴訪術迴乘空向紫府控鶴下蓬萊霜分

白鹿駕日映流霞杯煎金丹未熟醒一作醞酒藥初開乍應

觀海變誰肯畏年頽

昇仙篇

梁簡文帝

少室堪求道明光可學仙丹縉碧琳宇綠王黃金篇雲車

了無轍風馬詎須鞭靈桃恒可餌幾迴三千年

昇天行三首

劉孝威類聚作曹植

乘橋一作躡追術士遠之蓬萊山靈液飛素波蘭柱上參天

文一作玄豹遊其下翔鸞一作鷗戲其巔乘風忽登舉彷彿一作

隍見衆仙

二

扶桑之所生乃在朝陽谿中心陵蒼皓一作昊布葉盖天涯



日出登東幹既夕沒西枝願得紆陽轡迴日使東馳

同前

盧思道

尋師得道訣輕舉厭人群玉山候王母珠庭謁老君煎為

返竟藥刺作長生文飛策乘流電彫軒曳彩一作紫雲玄

洲望不極赤野眺無垠金樓旦蹇嶮王樹曉氛氲擁琴遙

可聽一作吹笙遠詎聞不學一作蟬蛸子干侶一作迢何

紛紛

道士步虛詞五首

庾信

渾成空教立元始正一作品一作塗開赤玉靈文下朱陵直氣來

中天九龍館倒景八風臺雲度弦歌響星移宮殿迴青衣

上少室童子向蓬萊逍遙聞四會倏忽度三災

二

東明九芝蓋北燭一作屬一作五雲車飄颻入倒影出沒上煙霞

春泉下玉雷青鳥向金華漢帝看桃核齊侯問棗花上元

應送酒來向一作蔡經家

三

歸心遊太極迴向入無名五香芬紫府千燈照赤城鳳林

採珠實春一作龍山種玉榮夏笛三山響一作夏簧春鍾九

乳鳴絳河應遠別黃鸝來相迎

四

疑真天地表絕相一作想寂寥前有象猶虛豁忘形本自然

開經壬子世一作歲一作值道甲申年迴雲隨舞曲流水逐歌弦



石髓香如飯芝房脆以蓮停鸞譙瑤水歸路上鳴天

五

洞靈尊上德震石會明真要妙思玄絕一作虛無養谷神

丹丘乘翠鳳玄圃馭班麟一作移梨付苑吏種杏乞山人

自此逢何世從今復幾春海無三尺水山成數寸塵

同前

釋皎然

予因覽真訣遂感西城一作君玉笙下青真人間未會聞目

華鍊精一作鬼精一作鬼一作無垢氛謂我有仙骨且令餌氣

盪俯仰媿靈頽頽隨鸞鶴群俄然動風馭縹緲歸青雲

同前太清宮作

顧况

迥步遊三洞清心禮七真飛符超羽翼焚一作火醮星辰

殘藥沾鷄犬空一作靈一作香出馬麟壺中無窄處願得一容身

同前二首

陳羽

漢武清齋讀易書一作太一作官扶上畫雲車壇上月明宮殿

閉仰看星斗禮空虛

二

樓殿層層阿母家崑崙山頂駐紅霞笙歌出見穆天子相

引笑看琪樹花

同前

蘇郁

十二樓藏玉牒中鳳凰雙宿碧梧桐流霞淺酌留君醉今

夜吹簫第幾重

飛龍引二首

李白



黃帝鑄昇於荆山鍊丹砂成黃金六字集作丹砂成黃金騎

龍飛去太清一作上家雲愁海思令人嗟宮中綵女顏如花

飄然揮手凌紫霞從風縱體登鸞車一作從登鸞車侍軒轅侍軒轅

一作疊句遨遊青天中其樂不可言

二

前人

昇湖流水清且閑軒轅去時有弓劍古人傳道留其間後

宮嬋娟多朱一作花顏乘鸞飛煙亦不還騎龍攀天造天關

造天關聞天語長一作迎雲河車載玉女過紫皇紫皇乃賜

白兔所擣之藥方後天而老凋三光下視瑤池見王母蛾

眉蕭颯成一作如秋霜

同前

陳陶

有熊之君好神仙食霞鍊石三千年一旦黃龍下九天騎

龍杵杵昇紫煙萬姓攀髯髯墮地啼呼弓劍飄寒水紫鸞

八九墮玉笙金鏡空留照魑魅羽幢離徒銀漢秋六宮望

斷芙蓉愁應龍下揮中園笑泓泓水遶青苔洲瑞風颯還

天光淺瑤闕栽栽橫露苑沉瀼樓頭紫鳳歌三株樹下青

牛飯鴻臚九闕相玉皇鈞天樂引金華郎散花童子鶴衣

短投壺姹女蛾眉長彤庭侍宴瑤池席老兔春高桂宮白

蓬萊下國賜分珪阿母金桃容小摘仙流萬緘蟲篆春三

十六洞交風雲千年小兆一蟬蛻丹臺職亞扶桑君金烏

試浴青門水下界蜉蝣幾迴死

鳳簫曲言雜

沈佺期



八月涼風下高閣千金麗人卷綃幕已憐池上歇芳非不  
念君恩坐搖落世上榮華如轉蓬朝隨阡陌暮雲中飛鷺  
侍寢昭陽殿班姬飲恨長信宮長信宮昭陽殿春來歌舞  
妾自知秋至容華君不見昔時羸女厭世氛學鳳吹簫乘  
絲雲含情轉盼向蕭史千載紅顏持贈君

鳳笙曲

前人

憶昔王子晉鳳笙遊雲空揮手弄白日安能戀青宮豈無  
嬋娟子結念羅幃一作帳中憐壽不貴色身世兩無窮

陽春歌

柳顧言

春鳥一轉有千聲春花一叢千種名旅人無語出簷楹思  
鄉懷土志難平唯當文共酒暫與興相迎

同前

顧野王

春草正芳菲重樓啓曙扉銀鞍俠客至柘彈宛一作婉童歸  
池前竹葉滿井上桃花飛薊門寒水歇爲斷流黃機

同前

吳邁遠

百里望咸陽知是帝京城一作國綠樹搖雲光春城起風色  
佳人愛華景流靡園塘側妍姿艷月映羅衣飄蟬翼宋土  
歌陽春巴人長嘆息雅鄭不同賞那令君愴惻生重愛一作受  
惠輕私自憐何極

同前

吳象之

簾低曉露濕簾卷鶯聲急欲起抱箜篌如疑彩絃澁孤眼  
愁不轉點淚聲相及淨掃街上花風來更吹入



同前

檀約

青春獻初歲白日映雕梁蘭萌猶自短柳葉未能長已見  
紅花發復聞綠草香乘此試遊行誰知心獨傷

同前

李白

長安白日照春空綠楊結煙垂裏風披香殿前花始紅流  
芳發色繡戶中繡戶中相經過飛燕皇后輕身舞紫宮夫  
人絕代歌聖君三萬六千日歲歲年年柰樂何

金一作會樂歌

梁元帝

鳴鳥怨別偶曙鳥憶離一作誰家石門一作闕題書字金燈飄

落花東風一作方曉星沒西山晚日斜殺衫迴廣袖團扇掩

輕紗暫借青一作馬馬來送黃牛車

同前

房篆

前漢沅壁水後渚映青天登臺臨寶鏡開牖對綺錢玉顏  
耀光彩羅袖拂金釧春風散輕蝶明月映新蓮摘花兢時  
侶催栢及芳年

同前

梁簡文帝

槐花欲覆井楊柳正藏鴉山鑪好一作當無比玉構火牒賒

牀頭辟繩結鏡上領巾斜鐵鑊一作鍾種梁子銅樞生秦一作

棗花開門枕水柱一作拋城控一作按特言家

白紵歌

梁武帝

朱絲玉筋羅象筵飛管促節舞少年短歌流目未肯前含

笑一轉私自一作知憐



二

朱光灼爍照佳人含情遠一作意遙相親媽然一婉一作轉  
亂心神非子之故欲誰因

此篇文苑英華接武帝前篇共是一首今郭茂倩樂府拆而為二其題作沈約夏白紵歌却別有武帝一首如後

纖腰嫋嫋不仁衣嬌怨獨立特為誰赴曲君前未忍歸上聲急調中心飛

同前五首

張樂

秋風鳴一作蕭條露垂葉空閨光盡生一作坐愁妾獨向長夜  
淚承睫山高水深一作照非路難涉望君光景何時接

二

遙夜風遠時既寒秋風簫瑟白露團佳期不待歲月蘭念此遲暮獨無歡鳴絃流管增長嘆

三

歌兒流唱聲欲清舞女趨節體自輕歌舞並妙會人情調一作依絃度曲惟一作婉盈盈揚一作娥眉為態誰自成一作自誠

四

遙夜忘寐起長嘆但望雲中雙飛翰明月入牖風吹幔中夜悠悠坐申旦誰能知我中心亂終然有懷歲方晏

五

日暮塞門望所思風吹庭樹月入帷涼陰既滿草虫悲誰



能離別長夜時流嘆不寐一作寢淚如絲與君之別終何如

同前四特

隋煬帝

東宮春

洛陽城邊朝日暉天淵池前春燕歸含露桃花開未飛臨  
風楊柳自依依小苑花紅洛水綠清歌婉轉繁弦促長袖  
透迤動珠玉千年萬歲陽春曲

江都夏

梅黃雨細麥秋輕楓樹簫簫江水平飛樓綺觀軒若驚花  
簾羅幙當夏清菱潭落日雙鳧舫綠水紅粧兩搖漾還似  
浮桑碧海上詎一作誰肯空歌採蓮唱

和同前

郭茂倩樂府作江都夏

盧茂

長洲茂苑朝夕池映日含風結細漪坐堂一作當伏檻紅蓮

披一作枝雕軒洞戶青蘋吹輕幌芳煙鬱金馥綺簷花簾挑

李枝蘭茗翡翠但一作恒相逐桂樹鴛鴦恒並宿

長安秋

郭茂倩樂府又有虞茂此篇並附于此

露寒臺前曉露清昆明池水秋色明搖環動珮出曾城鷓  
絃鳳管奏新聲上林蒲桃合縹緲甘泉竒樹上蒼青玉人  
當歌理清曲婕妤恩情斷復續

同前三首

李白

揚清歌發皓齒北方佳人東隣子且吟白紵停綠水長袖  
拂面為君起寒雲夜卷霜海空胡風吹天飄塞鴻玉顏滿  
堂曲集作樂未終館娃日落歌吹濛一作深一無此句



二

月寒江深夜沉沉美人一笑千黃金垂羅舞毅揚哀音  
中白雪且莫吟子夜吳歌動君心動君心冀君疑賞願作  
天地雙鴛鴦一朝飛去青一作綠雲上

三

吳刀剪綺集作絲縫舞衣明粧麗服奪春暉揚日集作眉轉袖  
若雲飛傾城獨立世所稀激楚結風舞名醉忘歸高堂月落  
燭已微王釵掛纓君莫違

同前二首

楊衡

玉纓翠佩雜輕羅香汗微漬朱顏醜為君起唱白紵歌清  
聲裊雲鬢思一作思相多疑笳哀瑟一作琴時相和金壺半傾芳

復  
夜促梁塵霏霏暗紅燭令君安坐聽終曲墜葉飄花難再

二

躡珠履步曼筵輕身起舞紅燭前芳姿艷態妖且妍迴眸  
轉袖暗催絃涼風蕭蕭漏水一作流水急月華泛灩紅蓮濕牽  
裙攬帶翻成泣

同前

陳標

吳女秋機織曙霜冰蠶吐絲月盈筐金刀玉指裁縫促水  
殿花樓弦管長舞袖慢移凝瑞雪歌塵微動避雕梁唯愁  
一作恐陌上芳菲度狼籍鳳池荷葉黃

美女篇

蕭子顯



章丹一作鄭一作鄭 斲輟舞巴姬請罷絃佳人淇浦出一作滄上一作豔趙復

傾燕繁穠既為李照水亦成蓮朝酤成都酒暝數河間錢

餘光幸未借一作借一作許借 蘭膏空自煎

同前

梁簡文帝

佳麗盡關情風流最有名約黃能效月裁金巧作星粉光

勝玉靚衫薄擬蟬輕密態隨流臉餘嬌逐語聲一作嬌歌逐軟聲

朱顏半已醉微笑隱香屏

同前

盧思道

京洛多妖艷餘春愛物華俱臨梁燈一作燈水一作恒臨鄧渠水共

採鄴園花時搵五明扇聊駐七香車情疏看笑淺嬌深眇

欲斜微津染長黛新溜濕輕紗莫言人未解隨君獨問家

同前

王琚

東隣美女實名倡絕代容華無比方濃纖得中非短長紅

素天生誰飾粧桂樓椒閣木蘭堂繡戶雕軒文杏梁屈曲

屏風繞象床妾粧翠帳綴香囊玉臺龍鏡洞徹光金爐沉

煙酷烈芳遙聞行珮音鏘鏘含嬌含笑出洞房二八三五

閨心切寒簾卷幔迎春節清歌始發詞怨咽鳴琴一弄心

斷絕借問哀怨何所為盛年情多心自悲須臾破顏倏歛

態一悲一喜併相宜何能見此不注心惜無媒氏為傳音

可憐盈盈直千金誰家君子為藁砧

日出東南隅行

沈約

朝日出邙鄆照我叢臺端中有傾城豔顧影織羅紈延軀



似織約遺視若迴瀾瑤莊映層綺金服炫雕欒幸有周一作  
同匡好西仕服秦官寶劔隨王具汗馬飾金鞍紫場類轉  
雪逸控寫一作騰鸞羅襟一作夕解帶玉釵暮垂冠

同前

蕭子榮樂府類聚並作子顯

大明上迢迢陽城射陵霄光照牕中婦絕世同阿嬌明鏡  
盤龍刻簪羽鳳凰雕逶迤梁家髻冉弱楚宮腰輕紈雜重  
錦薄縠間飛綃三六前年暮四五今年朝蠶園拾芳蠶一作

蠶籠拾芳翠桑陌採桑一作條出入東城裏上下洛西橋路逢

車馬客飛蓋動檐輶單衣鼠毛織寶劔羊頭銷大夫疲應

對御一作者輟連鑣一作住間徒脉脉垣上幾翹翹女本

西家宿君自上宮要漢馬三千一作万匹夫婿仕嫖姚擊囊

虎頭綬左珥鳧盧貂橫吹龍鍾管奏鼓象牙簫十五張肉  
侍十八賈登朝皆笑顏即老盡訝董公超

同前

盧思道

初月正如鈎懸光入鏡一作樓樓中可憐妾如恨亦如羞  
深情出豔語密意蒲橫眸楚腰寧且細孫眉本未愁青玉  
勿當取雙銀詎肯一作留會待東方騎遙居最上頭

同前

李白集無此詩樂府作殷謀

秦樓出佳麗正值朝日光陌頭能駐馬花處復添香

日出行

蕭摛

昏昏隱遠霧團團乘陣雲正值秦樓女含嬌酬使君

同前

李白



日出東方隈似從地底來歷天又復入西海六龍所舍安  
在哉其行終古不休息一作始與人非元氣安得與之久終古不息  
徘徊草不謝榮於春風木不怨落於秋天誰將集作揮鞭策  
驅四運萬物興歇皆自然羲和羲和汝奚汨沒於荒淫之  
波魯陽何德駐景揮戈逆道違天矯誣實多吾將括囊集作  
括大塊浩然與溟滓同科

同前

李賀

白日下崑崙發光如舒絲徒照葵藿心不見遊者集作子悲

浙浙集作折折黃河曲日從中央轉暘谷耳曾聞弱集作若水眼

不一作不可見柰何爍石胡為銷人昇能彎弓屬矢那不中足  
冷鳥不得翔火不得奔詎教晨光夕昏

月重輪

戴嵩

皇基屬明兩副德表重輪輪重非是暈桂蒲自恒春海珠  
全更滅一作滅階一作冀翳且新婕妤比團扇曹王譬洛神浮川  
疑讓壁入戶類燒銀從來看顧兔不曾聞鬪麟北堂豈盈  
手西園徧照人

泛舟橫大江

梁簡文帝

滄波白日暉遊子出王畿旁望重山轉前觀遠帆稀廣水  
浮雲吹江風引夜衣旅鴈同洲宿寒鳧夾浦飛行客誰多  
興當念早旋歸

同前

張正見

大江脩且濶楊舲度迴磯渡中畫鷁涌帆上錦花飛舟移



停集作浦月棹舉濕春衣王孫若定一作客若遠誰得一作  
詎送將歸

雨雪曲

王筠樂府作

邊城風雪至客一作遊子自心悲風哀笳弄斷雪暗馬行遲  
輕生本為國重氣不關私恐君猶不信撫劍一揚眉

同前

張正見

胡關辛苦地雪露遠漫漫含冰踏馬足雜雨凍旗竿沙漠  
飛恒暗天山積轉寒無因辭日逐團扇掩齊紈

同前

江惣

雨雪阻榆溪從君度隴西遠陣看狐跡依山見馬蹄天寒  
旗彩壞地暗鼓聲低漫漫愁雲起蒼蒼別路迷

同前

陳暄

都尉出祁連雨雪蒲鷄田雕陵持抵鵠屬國用和氈水食  
軍應度樓寒烽未燔一作燃花迷槎未着踈勒後經年

同前

謝燮

朔邊昔離別寒風復悽切峩峩六尺冰飄飄千里雪深閉  
一作未塞袁安戶行封蘇武節用一作應隨隴水流幾迴一作凝  
嗚咽

同前

盧照隣

虜騎三秋入關雲萬里平雪似胡沙暗冰如漢月明高闕  
銀為闕長城玉作城節旄零落盡天子不知名



文苑英華卷第一百九十三

文苑英華卷第一百九十四

詩四十四

樂府三

公子行九首

少年行四十二首

輕薄篇五首

公子行

劉希夷

天津橋下陽春水天津橋上繁華子馬聲迴合青雲外人

影搖空綠楊裏

一作搖揚  
綠波裏

碧波蕩漾玉爲沙

一作綠波清  
迴玉爲砂

青雲離披錦作霞可憐楊柳傷心樹可憐桃李斷腸花此

日遨遊看美女此時歌舞入倡家倡家美女鬱金香飛去

飛來公子傍灼灼

一作灼灼的

珠簾白日映娥娥玉貌

一作顏

紅粉

粧花際徘徊雙蛺蝶池邊顧步兩鴛鴦傾國傾城漢武帝



為雲為雨楚襄王古來容光人所羨况復今日遙相見願  
作輕羅着細腰願為明鏡分嬌面與君相向轉相親與君  
相栖共壹身願言一作願作真松千歲古誰論芳槿一朝新百  
年同謝西山日千秋萬古北邙塵一有此二句

同前

常建

日日乘釣舟嫋嫋持釣竿涉淇傍荷花驄馬閑金鞍使客  
白雲中腰間懸轆轤出門事嫋姚為君西擊胡胡兵漢騎  
相馳逐野戰孤軍西海曲百尺旌竿沉黑雲邊笳落日不  
堪聞

同前

司空曙

纏臂繡綸巾貂裘窄稱身射禽風助箭驟馬雪飛塵金埒  
爭開道香車為駐輪翩翩不知處應是霍家親

同前

于鵠

少年初拜大長一作大常秋半醉垂鞭見列侯馬上抱鷄三市  
鬪袖中携劔五陵遊玉簫金管迎歸院錦繡一作袖紅粧擁  
上樓更向苑東新買宅月陂一作碧波春水入門流

同前

李商隱

一盞新羅酒凌霜一作晨恐易銷歸應衝鼓半去不待笙調  
歌好難愁和香多不一作濃豈惜飄春塲鋪艾帳下馬雉媒嬌

同前

雍陶

公子風流嫌一作輕錦繡新裁白紵作春衣金鞭留當誰家  
酒拂柳穿花信馬歸



同前

韓琮

紫袖長衫色銀蟬

一作蟾

半臂花帶裝

集作長

盤水玉鞍繡坐

雲霞別殿承恩澤飛龍賜渥洼控羅青裊轡鏤象碧重葩

意氣催歌舞闌珊走鈿車袖障

一作彰

雲縹緲釵轉鳳欹斜

珠卷迎歸箔紅籠是醉紗唯無難夜日不得似仙家

同前二首

聶夷中

漢代多豪族恩深益驕逸走馬踏殺人街吏不敢詰紅樓

宴青春數里望雲蔚金釭焰

一作黓

勝畫不畏落暉疾美人

盡如月南威莫能

一作不敢

疋芙蓉自天來不向水中出飛瓊

奏

一作綺

雲和碧簫吹鳳質唯恨魯陽死無人駐白日

二

花樹出墻頭花裏誰家樓一行書不讀身封萬戶侯美人

樓上歌不見古涼州

少年行

吳筠

董生能巧笑子都信美目百事

一作萬

市一言千金買相逐

不看參差菜誰能

一作論

窈窕淑願言奉

一作捧

繡被來就越

人宿

同前

沈炯

長安妙少年驄馬鐵連錢陳王裝馬腦晉后鑄金鞭步搖

如飛驚寶劍

一作鏑

似舒蓮去來新市北遨遊大道邊倏忽

作老翁顏鬢似衰蓬自言生漢代少小見豪雄五侯俱拜

日

一作拜爵

七貴各論功建章連北闕

一作北闕

複道應一作



度南宮太后居長樂天子出迴中玉輦迎飛鷲金山賞鄧  
通一朝復一日忽見市朝空扶桑無復海崑山倒何東少  
年何暇問頽齡遇一作福終子孫冥滅盡鄉里一作不復  
同淚盡眼方暗脾傷耳自聾杖策尋遺老歌笑一作詠悲  
翁追隨各有遇非敢訪童蒙

同前

李百藥

少年飛翠蓋上路勒金鑣始酌文君酒新吹弄玉簫少年  
不一作歡樂何以一無此盡芳朝千金笑裏面一搦撐一作  
抱中腰掛纓誰一作憚宿落珥一作不勝嬌寄語一無此  
少年子無辭歸路遙

同前

張昌榮

少年不識事落魄遊韓魏珠軒流水車玉勒浮雲騎縱橫  
意不一然諾心無二白璧一贈穰畦黃金奉毛遂妙舞飄龍  
管清歌吟鳳吹三春小苑遊千日中山醉直言身可沉誰  
論名與利依倚孟嘗君自知能市義

同前

鄭愔

穎川豪橫客咸陽輕薄兒田竇方貴幸趙李新相知軒蓋  
終朝集笙箏此夜吹黃金盃篋笥白日忽西馳

同前四首

王維

新豐美酒斗十千咸陽遊俠多少年相逢意氣為君飲繫  
馬高樓垂柳邊

二



出身仕漢羽林郎初隨驃騎戰漁陽孰知不向邊廷苦一作死縱死猶聞俠骨香

三

一身能擘一作臂兩彫與調同弧虜騎千重一作群秬似無偏坐  
金鞍調白羽紛紛射殺五單于

四

漢家君臣歡宴終高議雲臺論戰功天子臨軒賜侯印將  
軍珮出明光宮

同前三首

杜甫

馬上誰家白面郎臨軒一作街下馬坐人床不通姓字一作龐豪  
甚指點銀瓶索酒嘗

二

莫笑田家老瓦盆自從盛酒長兒孫傾銀注玉集作瓦驚人  
眼共醉終同卧竹根

杜集作臨街下馬此云臨軒下馬杜集作傾銀注瓦  
此云傾銀注玉皆當以此書為正蓋謬為俗子改易  
此所以重古本也

三

巢鷺養兒渾去盡江花結子也無多黃衫年少來宜數不  
見堂前東逝波

同前三首

李白

君不見淮南少年遊俠客白日毬獵夜擁擲呼盧百萬終



不惜報讐千里如咫尺少年遊俠好經過  
渾身裝束皆綺羅蘭蕙相隨喧妓女風光去處蒲筍歌  
驕矜自言不可有俠士堂中養來久好鞍好馬乞與人  
十千五千旋沽酒赤心用盡爲知己黃金不惜栽桃李  
桃李栽來幾度春一迴花落一迴新府縣盡爲門下客  
王侯皆是平交人男兒百年且樂命何須徇一作書  
受貧病男兒百年且榮身何須徇節其風塵衣冠半是  
戰征士一作窮儒浪作林泉民遽莫枝根長百丈不如當代多還往  
遮莫親姻連帝城不如當身自簪纓看取富貴眼前者  
何用悠悠身後名

二

青雲少年子挾彈出早臺左鞍馬四邊開突如流星過金丸

落飛鳥

一作肉

夜入

一作深

作

瓊樓卧夷齊是何人獨守西山餓

三

五陵年少金市東銀鞍白馬度春風落花踏盡遊何處笑  
入胡姬酒肆中

同前

一作渭城少年行

崔顥

洛陽二月梨花飛秦地行人春憶歸揚鞭走馬城南陌朝  
逢驛使秦川客驛使前日發章臺傳道長安春早來棠梨  
宮中驚初至葡萄桃館裏花正開念此使人歸更早三月便  
達長安道長安道上春可憐搖風蕩日曲江邊萬戶樓臺  
臨渭水五陵花柳滿秦川秦川寒食盛繁華遊子春來不  
見一作喜家鬪鷄下社春初合走馬章臺日半斜章臺帝城



稱貴里青樓日晚歌鍾起貴里豪家白馬嬌一作五陵年

少不相饒雙雙挾彈來金市兩兩鳴鞭上渭橋渭城橋頭

酒新熟金鞍白馬誰家宿可憐錦瑟箏琵琶玉壺清酒就

君家小婦春來不解羞嬌歌一曲楊柳花

同前此詩見二百五卷 崔國輔

同前二首 王昌齡

西陵俠少年送客過長亭青槐夾兩路白馬如流星聞道

羽書急單于寇井陘氣輕浮道一作難一作氣高誰願一作

顧燕山銘

二

走馬還相尋西樓下夕陰結交期一劍留意贈千金高閣

歌聲遠重門一作擲色深夜闌須盡醉莫負百年心

同前一作邯鄲少年行 高適

邯鄲城南一作遊俠子自言一作生長邯鄲裏千場縱博

家仍富幾度一作報讐身不死宅中歌舞日紛紛門外車

馬常集作轟又作長如雲三字一作未知肝膽向誰是令人却憶

平原君不見即今集作交態薄黃金用盡還踈索以茲感

嘆一作辭舊遊更於時事無所求且與少年飲美酒往來

射獵西山頭

同前 吳象之

承恩借獵小平津使氣常遊中貴人一擲千金渾是膽家

無四壁不知貧



同前四首

李疑

十八羽林郎戎衣侍漢

一作漢事

王臂鷹金殿側挾彈玉舉

一作

輿旁馳道春風起陪遊出建章

二

侍獵長楊下承恩更射飛塵生馬影滅箭落鴈行稀薄暮

隨天

一作歸隨

仗聯翩入鏢關

三

玉劍膝邊橫金盃馬上傾朝遊茂陵道夜

一作暮

宿鳳凰城

豪吏多猜忌無勞問姓名

同前

韓翃

千點爛燔噴玉驄青絲結尾繡纏驥

集作鬃

鳴鞭曉出章臺

路禁葉春衣楊柳風

同前

一作長安少年行

釋皎然

翠樓春酒蝦蟆陵長安少年皆共矜紛紛半醉綠槐道蹀躞花驄驕不勝

同前二首

李益

君不見上官警夜營八屯襲襲街鼓朝朱軒玉堦霜仗擁未合少年排入銅龍門暗聞絃管九天上宮漏沉沉清吹

繁平

一作纜

明走馬絕馳道呼鷹挾彈通繚垣玉籠金鎖養

黃口探雛取外伴王孫分曹六博快一擲迎歡先意笑聲

喧巧為柔媚學優孟儒衣嬉戲冠沐猿晚來香街經柳市

行過倡舍宿桃根相逢酒後

一作盃酒

一言失迴朱點白聞至



尊金張許史伺顏色王侯將相莫敢論豈知人事無定勢  
朝歡暮戚如掌翻椒房寵移子愛奪一夕秋風生戾園徒  
用黃金將買賦寧知白玉暗成痕持盃收水水已覆徙薪  
避火火更燔欲求四老張丞相南山如天不可上

二

生長邊城傍出身事弓馬少年有膽氣獨獵陰山下偶與  
匈奴逢曾擒射鵰者名懸壯士籍請君少相假

同前

張籍

少年從獵去

集作獵出  
又作出獵

長楊禁中新拜羽林郎獨對輦前

射雙虎君王手賜黃金璫白日鬪鷄傍新市

一作日日鬪  
鷄都市裏

贏得寶刀重刻字百里報讐夜出城平明還抵

一作  
倡樓

醉遙聞虜到平陵下不待勅

一作

書行上馬斬得戎

一作

王獻桂宮封侯起宅

一作一第

口中不為北

一作六

郡良家子

百戰乃得

一作始取

邊城功

同前五首

一作長安  
少年行

李廓

金紫少年郎繞街鞍馬光身從左中尉官屬右春坊刻戴  
揚州帽重薰異國香垂鞭踏青草來去杏園芳

二

追逐輕薄伴閑遊不着緋長櫳出獵馬數換打毬衣曉日  
尋花去春風帶酒歸青樓無畫夜歌舞歇時稀

三

新年高殿上始見有光輝玉鴈排方帶金鴉立伏衣酒深



和杜賜馬疾打珂飛朝下人爭看香街意氣歸

四

戟門連日閉苦飲惜殘春開鎖通新客教姬屈醉人請歌  
牽白馬自舞蹈紅茵時輩皆相許平生不負身

五

遨遊携豔妓裝束是男兒杯酒逢花住笙歌簇馬吹鶯聲  
催曲急春色訝歸遲不似聞街鼓華筵待月移

同前

杜牧

官爲駿馬監職帥羽林兒兩綬藏不見落花何處期獵敲  
白玉鎗怒袖紫金鎚田竇長留醉蘇辛曲讓一作護岐豪持  
出塞節笑別遠山眉捷報雲臺賀公卿拜壽卮

同前

雍陶

不倚軍功有俠名可憐毬獵少年情戴鈴徒鶴隨聲下撼  
珮驕騁弄彩行覓匠重裝燕客劍對人新按越姬箏豈知  
儒者心偏苦吟向秋風白髮生

同前二首

僧貫休

錦衣鮮華潔作手擎鶻閑行氣貌多輕忽稼穡艱難總不  
知三皇五帝是何物

二

自拳五色毬送入他人宅却促蒼頭奴玉鞭打一百

同前二首

王貞白

遊燕不知厭杜陵狂少年花時輕暖酒春服薄裝綿戲馬



上林苑鬪鷄寒食天魯儒其被笑對策鬢皤然

二

弱冠投邊急驅兵夜渡河追奔鐵馬走殺虜寶刀靴威靜  
黑山路氣含一作吞清海波常聞為突騎天子賜長戈

輕薄篇

何遜

城東美少年重身輕萬億拓疆隨珠丸白馬黃金飾長安  
九達上青槐陰一作蔭道植轂擊衣已喧肩排冥不息走徇  
通四息一作息望牽牛亘一作向南直相期百戲傍去來三市側  
象床香繡被玉盤傳綺食倡女掩扇歌小婦開簾織相看  
獨隱笑見人還斂色黃鶴悲故山山妓詠新識鳥飛過客  
盡雀聚行龍匿酌酒方厭厭此一作此歡無極

同前

張正見

洛陽美少年朝日正開霞細踏聯鑣一作連鑣馬傍趨首着花  
揚鞭却還望春色蒲東家井桃映水落門柳雜風斜綿蠻  
弄青綺蛺蝶遶承華欲往飛簾館遙駐季倫車石榴傳馬  
腦蘭肴莫象牙聊持自一作自持娛樂未是鬪豪奢莫嫌龍馭  
曉一作晚扶桑復浴鴉

同前

李益

豪不必馳千騎雄不在垂雙鞭一作鞭天生雋氣自相逐出  
與鷓鴣同飛翻朝行九衢不得意下鞭走馬城西原忽聞  
燕鴈一聲去廻鞍挾彈平陵園歸來青樓曲未半美人玉  
色當金樽淮陰少年不相下酒酣半笑倚市門安知我有



不平色白日欲顧一作集紅塵昏死生容易如反掌得意失

意由一言少年但飲莫相問此中報讐兼一作亦報恩

同前二首

釋貫休

繡林錦野春態相厭誰家少年馬蹄蹋蹋聞鷄走狗夜不歸一擲賭却如花妾唯言不顛不狂其名不彰悲夫

二

木落蕭蕭蛩鳴唧唧不覺朱蕪臉紅霜劫髮漆世途多事

泣向秋日方今一作吟少壯不努力老大徒傷悲如何

文苑英華卷第一日九十四

文苑英華卷第一百九十五

詩四十四

樂府四

結客少年場八首 行行且遊獵二首

門有車馬客四首 對酒二十一首

前有一樽酒三首 將進酒三首

勸酒六首 飲酒樂一首

結客少年場行

劉孝威

少年本六郡遨遊遍五都插腰銅七首障日錦屠蘇鷲一作

鷲羽裝銀鏑犀膠飾象弧近發連雙兔高寧落九鳥邊城

多警急節使一作度滿郊衢居延箭箠盡踈勒井泉枯正蒙

都護接何由憚險途千金募惡少一麾擒骨都勇餘聊踞



蹴戰罷暫一作投壺昔為北方一作將今成一作南面狐

邦君行負弩縣令且前驅

同前

梁吳均

結客少年歸翩翩駿馬肥報恩殺胡一作竟賢君賜錦衣

握蘭登建禮拖玉入含暉顧看草玄者功名終自微

同前

庾信

結客少年場春風路滿香歌撩一作李都尉果擲潘河陽

隔一作花遙勸酒就水更一作移床今年喜夫婿新拜羽

林郎定知劉碧玉偷嫁汝南王

同前

孔紹安

結客佩吳鉤橫行度隴頭鴈在弓前落雲從陣後浮吳師

驚燧象燕一作將警奔牛一作蓬飛不息冰河結未流若使

三邊定當封萬里侯

同前

虞世南

韓魏多奇節倜儻遺名利共矜然諾情一作各負縱橫意

一作結交友一作一言重相期千里至綠沉明月弦金絡浮

雲轡吹簫入吳市擊筑遊燕肆尋源博望侯結客遠相求

少年懷一顧長驅背隴頭談談霜戈動耿耿虹劍一作浮

風一作起龍沙暗木落鴈門秋天山冬夏雪交河南北流

輕生殉一作知已非是為身謀

同前

盧照隣

長安重遊俠雒陽富才一作雄玉劍浮雲騎金鞭一作明



月弓鬪鷄過渭北走馬向關東孫賓一作趙妓事遙見侍一作

待郭解暗相通不受千金爵誰論萬里功將軍下天上虜

騎入雲中烽火夜似月兵氣曉成虹橫行狗知己負羽遠

從一作征戎龍旌昏朔霧鳥障卷胡風追奔瀚海咽戰罷陰

山空歸來謝天子何如馬上翁

同前

盧一作虞羽客

幽并俠少年金絡控連錢竊符方救趙擊筑正懷燕輕生

辭鳳闕揮袂上祁連陸離橫寶劍出沒驚一作驚徂旃蒙輪

恒顧敵超乘一作忽爭先摧枯逾百戰拓地遠三千骨都

魂已散樓蘭首復傳龍城含苦一作宿霧瀚海接一作遙

天歌吹金微返振旅玉門旋烽火今已息非復照甘泉

同前

李白

紫騮黃金瞳稜稜搖綠鬣一作鬣平明相馳逐結客洛門東

少年學劍術陵轢白猿公珠袍曳錦帶匕首插吳鴻由來

萬夫勇挾此生一作英雄風託交從劇孟買醉入新豐笑盡

一盃酒殺人都市中羞道易水寒徒一作從今日貫虹燕丹

事不立虛沒秦帝宮舞陽死灰人安可與成功

行行且遊獵篇一作遊行

劉孝威

之呆講射所上林娛獵場選徒嬌楚客詔狩誇胡王罕車

已戒道風鳥復啓行伙飛具矰繳材官命蹶張高且掩月

兔勁矢射天狼蹠地不遑免一作逸排虛豈及翔日暮鈎陳

轉風清鏡吹颺歸來宴平樂寧肯滯禽荒



同前

孟雲卿

少年多武力勇氣冠幽州何以縱心賞馬蹄春草頭遲遲  
平原上狐兔奔林丘猛火忽前遊俊鷹連下講俯身逐南  
北輕捷固難儔所發無不中失之如我讐豈唯務馳騁倚  
爾暮田疇殘殺無不痛古來良有由

門有車馬客

何遜

門有車馬客言是故鄉來故鄉有書信縱橫印檢開開書  
看未極行客屢相識借問故鄉來潺湲淚不息上言離別  
久下言望應歸寸心將夜鵲相逐向南飛

同前

張正見

飛觀霞光起重門戒早一作開北闕高轡至一作東方遠

一作騎來紅塵揚翠轂赭汗染龍媒梢鞭聊靜電接眼漸

一作軫暫一作停雷桃花扶岸一作聚流水傍池迴非關萬里

客自是一作六竒才琴和朝程一作操酒泛夜光杯舞袖

飄金谷歌聲繞鳳臺良時不再遇一作騶御爵相催安知

太行道失路車輪摧

同前

虞世南

財雄一作重交結戚里一作擅豪華曲臺臨上路高軒一作

門抵狹斜赭汗千金一作馬繡軸一作五香車白鶴隨飛

蓋朱鷺入鳴笳夏蓮開劔水春桃發綬花高談辨飛兔擿

藻掘靈虵一作輕裙染回逢恩出毛羽一作借失路委泥

沙曖曖風煙晚路長歸騎遠日斜青瑣第塵飛金谷苑危



絃促柱奏巴渝遺簪墮珥解羅襦如何守直道翻使谷名愚

同前

李白

門有車馬賓

一作客

金鞍耀珠輪謂從雲

一作丹

霄落乃是故

鄉親呼兒掃中堂坐客論悲辛對酒兩不飲停觴淚盈巾

歎我萬里遊飄飄三十春空談霸王畧紫綬不掛身雄劍

藏玉匣陰符生素塵廓落無所合流離湘水濱借問宗黨

間多為泉下人生苦百戰役死托萬鬼隣北風揚湖沙霾

一作埋

翳周與秦天運且如此蒼穹能匪仁惻愴憶

一作竟

何

道存亡任天均

一作大鈞

對酒

范雲

對酒心自足故人來共持方悅羅衿解誰念髮成絲徇性

良為達求名本自欺逮君當歌日及我傾樽時

同前

張正見

當歌對玉酒匡坐酌金壘竹葉三清泛葡萄百味開風移

蘭氣入月逐桂香來獨有劉將阮忘情寄羽盃

同前

岑敬之

色映臨池竹香浮滿砌蘭舒文泛玉盃漾蟻溢金盤簫曲

隨鸞易笳聲出塞難唯有將軍酒川上可除寒

同前

張率

對酒誠可樂此酒復芳醇如華良可賞

一作貴

似乳更堪

一作

井珍何當留上客為寄掌

一作壽屬

中人金罇清復滿玉盃

一作



盤一作亟來親誰能共遲暮對酒及一作惜芳辰君歌尚未罷却坐避梁塵

對酒歌

范崇

樂府作庾信

春水望桃花春洲籍芳杜琴隨一作綠珠借酒就文君取

牽牛一作馬向渭橋日曝山頭晡山簡接離倒王戎如意舞

箏鳴金谷園笛韻平陽塢人生一百年歡笑唯三五何處

覓錢刀求為洛陽賈音古

對酒

春園作

庾信

數盃還已醉春風一作不復知唯有龍吟笛桓伊能獨吹

同前

春園作

王勃

投簪下山閣携酒對河梁狹水牽長鏡高花送斷香繁鶯

歌似曲踈蝶舞成行自然催一醉非但閱年光

同前

巴陵作

張說

留侯封萬戶園令壽千金本為成王業初由賦上林繁華

一作榮安足恃霜露迺相尋鳥哭楚山外猿啼湘水陰夢中

城闕近天畔海雲深空對忘憂酌一作離憂不去心

同前

崔國輔

行行日將夕荒村古塚無人跡蒙籠荆棘一鳥飛屢唱提

壺沽酒喫古人不達酒不足遺恨精靈成一作此曲寄言

世上一作當代諸少年平生須盡杯中綠

同前

一作月下獨酌

李白

花前一作一壺酒獨酌無相親舉杯邀明月對影成三人



月既不解飲影徒隨我身暫伴月將影行樂須及春我歌  
月徘徊我舞影凌亂醒時同交歡醉後各分散未結無情  
遊相期邈雲漢一作碧

此詩一百五十二卷重出今已削去注異同爲一作

二一作月  
夜獨酌

天若不愛酒酒星不在天地若不愛酒地應無酒一作泉

天地既愛酒愛酒不愧天已聞清比聖復道濁如賢聖賢

既已飲何必求神仙三盃通大道一斗合自然但得醉中

趣勿爲醒者傳

三 此詩見二百七十卷

對酒示申屠學士

戴叔倫

三重江水萬重山山裏青春度日閑且向白雲求一醉莫  
教愁夢到鄉關

湘中對酒行

張謂

夜坐不厭湖上月晝遊不厭湖上山眼前一罇又長滿心  
中萬事如等閑主人有黍數百石濁醪數斗應不惜即今  
相逢不盡歡別後相思復何益茱萸灣頭歸路賒願公且  
宿黃公家風光若此人不醉參差孤負東園花

對酒曲

賈至

春來酒味濃舉酒對春叢一酌千憂散三盃萬事空放歌  
乘美景醉舞向春風寄語罇前客生涯任轉蓬

二



文苑英華 卷一百九十五  
梅發柳依依黃鸝歷亂飛當歌憐景色對酒惜芳菲曲水  
浮花氣流風散舞衣通宵留暮雨上客莫言歸

對酒

王建

爲病比來渾斷絕因緣一作緣花不免却知聞從來樂一作事  
關身少坐領春風只在君

秋日對酒

武元衡

行年過始衰秋至獨先悲事往悖神魄感深滋涕洟百憂  
紛在慮一醉兀無思寶琴拂塵匣清韻音作凝朱絲幽圃蕙  
蘭氣煙窻松桂姿我乏濟時略仗節撫坤維山川大兵後  
牢落空城池驚沙猶振野綠草生荒陂物變風雨順人懷  
天地慈春耕俟一作事秋戰戎馬去封陲波瀾暗超忽微雨

亦磷緇客有自蒿穎重徵棲隱期丹訣學仙晚白雲歸谷  
遲君恩不可報霜露繞南枝

對酒

白居易

莫上青雲去青雲足愛憎自賢誇智慧相軋闕功能魚爛  
緣吞餌蛾焦爲撲燈不如飲美酒任性醉騰騰

同前

曹鄴

愛酒知是癖難與性相捨未必獨醒人便是不飲者晚歲  
無此物何由住田野

錢塘對酒曲

陳陶

風天鴈悲西陵愁使君紅旗弄濤頭東海神魚騎未得江  
天大笑閑悠悠嗟峨吳山莫誇碧河陽經年一宵白南州



彩鳳爲君生古獄愁蛇待恩澤三清羽童來何遲十二玉  
樓蝴蝶飛炎荒翡翠九門去遼東白鶴舞歸期一作家歸鴟夷  
公子休悲悄六鰲如鏡天始老樽前事去月團圓琥珀無  
情憶蘇小

前有一罇酒雜言

張正見

前有一罇酒主人欲行壽今日合來坐者當令皆富且壽  
欲令主人三萬歲終歲不知老爲吏當高遷賈市得萬倍  
桑蠶當大得主人宜子孫

前有罇酒行

李白

東一作春風東一作忽非來忽相過金罇綠酒生微波落花紛紛稍  
覺多美人欲醉朱顏醜青軒桃李有一作能幾何流光欺人

忽蹉跎君起舞日西一作將夕當年意氣不肯惜一作傾白髮

如絲竟一作白首何益一作垂絲嘆

二

琴奏龍門之綠桐玉壺美酒清苔空催絃拂柱與君飲眼  
白看杯頰色紅一作朱成胡姬貌如花當爐笑春風笑  
春風舞羅衣君今不醉欲安歸

將進酒

梁昭明太子

洛陽輕薄子長安遊俠兒宜城溢榼椀中山浮羽卮

同前一作借空酒

李白

君不見黃河之水天上來奔流到海不復迴君不見高堂  
明鏡悲白髮朝如青雲一作絲暮成雪人生得意須盡歡莫



使金罇空對月天生我材必有用一作我身 千金散盡還

復來烹羊宰牛且為樂會須一飲三百盃夫子且生

將進酒杯一作君 莫停與君歌一曲請君為我傾耳聽鍾鼎

玉帛豈足貴一作鍾鼓饌 但願長醉不復用一作 醒古來賢

聖皆死盡一作聖賢 惟有飲者留其名陳王昔日一作 宴

平樂斗酒十千恣歡譁主人何用一作 言少錢徑須沽酒

一作 對君酌五花馬千金裘呼兒將出換美酒與爾同銷

萬古愁

此詩三百三十六卷重出今已削去

同前

陳陶

金樽莫倚青春健齷齪浮生如走電琴瑟盤傾從世珠黃

泥局馮流年箭麻姑瓜禿瞳子昏東皇肉角生魚鱗靈鰲

柱骨半枯朽驪龍德悔二字 愁耕人周孔著龜久淪沒黃

嵩疑 誰認賢愚骨兔苑詞才去不還蘭亭水石空明月姮

一作 娥美簫香雨收江濱送瑟魚龍愁靈芝九折楚蓮醉

翻風一歎梁庭秋一作 醉亞蠻觥奉君壽玉山三獻春紅

透銀鴨金鵝言待誰隋家嶽瀆皇家有珊瑚座上凌香雲

鳳臙龍炙猩猩脣芝蘭此日不傾倒南山白石皆賢人文

康調笑麒麟起一曲飛龍壽天地

山人勸酒

李白

蒼蒼雲松落落綺皓春風爾來為阿誰蝴蝶忽然滿芳草

秀眉霜雪顏桃李一作桃 骨清髓綠一作青 長美好稱是



秦時避世人勸酒相歡不知老各守麋鹿志耻隨龍虎爭  
歛起安太子漢皇乃復驚顧謂戚夫人彼翁羽翼成歸來  
商山下况若雲無情舉觴酌巢出洗耳何太一作獨清浩歌  
望嵩嶽意氣遙相傾

相勸酒

李賀

羲和聘六轡晝夜一作夕不一作曾閑彈鳥崦嵫石扶馬蟠桃鞭  
蓐收既斷翠柳青帝更一作又造紅蘭堯舜至今萬萬歲數  
子將為傾蓋間青錢白壁買無端丈夫快志一作意方為歡  
臙螭臙熊何足言會須鍾飲北海箕踞南山歌淫淫管情  
惜橫波好送一作別雕題金人生得意且如此何用強知元  
化心相勸酒終無醉伏願陛下鴻名絲一作終不歆子孫綿

如石上葛東一作來洛一無此字長安車駟輶中有梁冀舊宅石  
崇故園

勸酒

李敬方

不向花前醉花應解笑人只憂連夜雨又過一年春日日  
無窮事區區有限身若非盃酒裏何以寄天真

同前

聶夷中

白日無定影清江無定波人無百年壽百年復如何堂上  
陳美酒堂下列笙歌與君入醉鄉醉鄉樂天和歲歲松栢  
茂日日丘陵多君看終南山萬古青峩峩

二

灞上送行客聽唱行客歌適來橋下水已作渭川波人間



榮樂少四海別離多但恐別離淚自成  
苦水河勸爾一杯酒所贈無餘多

飲酒樂

前人

日月似有事一夜行一周草木猶須老人  
生得無愁一愁解百結再飲破百憂白髮  
欺貧賤不入醉人頭我願西江

西江

集作東海

水盡向杯中流安得阮步兵同入醉鄉遊

文苑英華卷第一百九十五



海別離多但已別離淚自成昔水河勸爾一

飲酒樂

前人

日月飲有車一夜行一則早木酒頭美人坐得無愁一  
醉有結日飲成日憂白髮欺貧賤不入時人重我願  
木盡向杯中盡安得阮步兵同入醉鄉遊

西江

文苑英華卷第一百九十五



